

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Consideratio status damnatorum, quod actiones ipsorum  
in primis malas, concernit**

**Fecht, Johann**

**Durlaci, 1680**

CXXXIV.

[urn:nbn:de:bsz:31-122744](#)

sive acturi sunt sive passuri, cognoscere & scrutari haud licebit. Quid? quod in progressu disputationis nostræ, non omnia fabulas esse, quæ veteres isti in ipso gentilismo tradiderunt, sed divinae veritatis acceptas, per traducem manum à Chaldæis, Ægyptiis & Hebræis particulas, luculenter ostensuri sumus. Sicut ergo ex iis, quæ de DEO & rebus Divinis, de Sacrificiis, de Festis & id genus religionis nostræ mysteriis, scripsere gentiles, quantumlibet falsis vera & veris falsa mixta sint, rectè tamen veritatis aliquid vel argumentum vel indicium promimus, operamque in hac re occupatam amplectimur & commendamus: ita haud minus ex iis, quæ de inferis scripserunt prisci illi sapientes, quorum vel sola antiquitas meritò nobis venerationi est, veritatis lectari vestigia, &c, secundum Gregorium Nazianzenum, que philosophi, (fuerunt autem Poëtæ summi gentilium philosophi, & quasi ~~manuicibus~~) vera dixerunt, ab iis, tanquam injustis possessoribus vindicare licebit. Quâ de re iucundum est legere disputationem octavam Clar. quandam viri, J.M. Dillherri, Tom.I. p.251. Et Dedic. Tom. Nov.p.2. & denique p.401. seq.

CXXXIII. Quæcunque igitur præviâ Scripturæ luce de statu hominum infernali discere integrum est, ea & sciri posse & sciri debere, ex hactenus dictis evidenter constat; cetera vero, quæ conjecturâ potius assequi, quam valido argumenti nexu cognita habere licet, quamquam pari veritatis robore non polleant, modestius quidem asleveranda sunt, non tamen simpliciter rejicienda. Nam & eorum, quæ cum aliquâ tantum verisimilitudinis specie disputantur, si cœteris, quæ evidenter revelata sunt, non repugnant, non esse nullum usum, quotidiana nobis argumenta demonstrant. De quibus ideo cum Augustino, Enarr. Psalm. LXXXV. Tom.IIX. p.948. dicimus: *Quod dicimus, fratres, hoc si non vobis tanquam certus exposuero, ne succenseatis. Homo enim sum, & quantum conceditur de Scripturis sanctis, tantum audeo dicere; nihil ex me. Infernum nec ego expertus sum adhuc, nec vos. Et fortassis alia via erit, & non per infernum erit. Incerta sunt enim hec. Verum dicit Scriptura, cui contradici non potest: eruisti animam meam, ex inferno inferiori.*

CXXXIV. Quibus tamen & hoc adjiciendum est, tanquam indubitatum; Scripturæ auctoritate niti non id tantum, quod

quod totidem verbis illa asseverat, sed &c, quod virtute & ~~divinitate~~  
complectitur. *Divina auctoritas*, ait Augustinus, contra Adimantum, c. XVI. in Scripturis interdum occultatur, ut obscuris lector exerceatur. Ex quo loco haud certe inconcinnè Anastasius Cocheletius, Monachus Carmelita, adversus Jo. Polyandrum, Doctorem Reformatum colligit, licere aliquando in rebus Theologicis, ceteri exempli causa, de inferni abstrusis, quamquam non ad curiositatem, tamen ad exercitium inquirere: et si nec injuriā ei regerat Polyander; Disp. III. de Loc. Inf. p. 146. istud exercitium non debere destitui qualibuscumque argumentis, nec Scripturæ clariori adversari, quemadmodum fiat in Romanâ Ecclesiâ, circa determinandum inferorum locum & constituendas varias eorundem sedes: *Prophetæ enim, inquit, & Apostoli spatium oræ infernalis à vestigio ad verticem, nunquam, nec perspicue, nec obscurè, nobis transcripsierunt. Quapropter inepti faciunt, qui hujus stagni profunditatem omnibus vestigiis indagant. Hoc enim, ut monet Lætantius, est modum conditionis sue transgredi, nec intelligere, quoique homini liceat accedere. Quo respsciens Nazianzenus: in iis, inquit, qua Deus celavit, malo esse ignarus, quam curiosus. Et si utrumque fugere oportet & medium attingere non licet, in his timidior videri quam audacior. Nemp̄ ut scitè scripsit V. C. Josephus Scaliger: nescire velle, qua magister maximus nescire nos vult, eruditia inscritia est. Sed verò in argomento actionum infernaliū non deesse nobis partim rationes evidentes, (quid enim evidentius est, descripta Lucæ decimo sexto historiâ?) partim obscuras, ut vocat Augustinus, quibus ingenium nostrum, non ad satiandam curiositatem inanem, sed ad promovendam in nobis pœnarum infernaliū formidinem, ut inde à peccandi consuetudine & libidine avocemur, exercituri sumus, in progressu tractationis hujus docebimus. Occupati fuere alii in manifestis, liceat igitur nobis quoque obscuris indagandis operam dare. Augustinus, libro I. de Doctr. Christian. c. VI. Obscurè quedam dicta densissimam caliginem obducunt. Quod totum provisum divinitus esse non dubito, ad edomandam labore superbiam & intellectum à fastidio revocandum, cui facile investigata plerumque vilescent. . . . . Qui profus non inveniunt, quod querunt, fame laborant. Qui autem non querunt, quia in promptu habent, fastidio sepe marcescent. In utroque autem languor cavendum est. Magnificè igitur & salubriter Spiritus Sanctus ita Scripturas*

*sanc&at modicavit, ut locis apertioribus fami occurreret, obscurioribus autem fastidia detergeret. Nihil enim ferè de obscuritatibus eruitur, quod non plenisimè dictum alibi reperiatur.*

CXXXV. Damnatorum vox, quod subiectum est tractationis nostræ, πολυτηρίου est, neque uno ubique modo accipitur. Nam primò, cum quis vel in civili societate ab eo, qui maiestate gaudet, sive ad pecuniarium mulctam, sive ad pœnam corporis: vel in Ecclesiæ cœtu, à DEO, aut eo, qui DEI vices gerit, damnari possit, ultrò patet, damnationem vel civilem esse, vel Ecclesiasticam. Sic Cicero Oratione in Verrem: *Nevius injuriarum damnatus est.* Epist. ad Attic. *Lepidus positis armis de vi damnatus est.* Pro Flacco: *Nicomedes & furti & pro socio damnatus est.* Amosus Propheta, c. II. 8. *Vinum καρπού, juxta Vulgatam: damnatorum bibeant in domo DEI sui, hoc est, interprete Imm. Tremellio: de spoliis eorum, qui iniuste damnati fuerunt, epulum Diis suis faciunt, palamque inter se convivantur.* Latro alter ad latus crucifixi Christi ad alterum: Lucæ XXIII. 40. *Neque tu times DEum, quod in reūnione eorum, in eadem damnatione es.* Syrus: *Qui etiam in ipso es judicio; Tremellius: hebraicus est: in eadem es condemnatione.* Sed de præsenti damnatione, deque hunc in modum damnatis controversiam hic & sermonem nobis nullum esse, omnes dubio procul, nobis etiam non monentibus, facile animadvertiscantur.

CXXXVI. Qui verò in Ecclesiâ damnantur, illi Divinum judicium super commissa à sepe peccata subeunt, pœnisque peccato debitum addicuntur. Judicis hic αὐτοκρατορεύομενος officium sustinet severissimum justissimumque Numen, quod sententiam suam, immediato Spiritus sui ductu dictatam, scriptoque infallibili comprehensam, quandoque hominum ministerio dici evulgari que curat, quandoque dicit & profert ipsum. Lex à DEO sancta hæc est: *quicunque non facit omnia legis, est maledictus.* Deuteron. XXVII. 26. Et: *quisquis non crediderit, damnabitur.* Marc. XVI. 16. Damnatus igitur lege omnis est, qui peccat, quique non credit. Quā tamen in duplice damnationis causâ hoc est differentiae, quod omne quidem peccatum damnationis meritum, sola autem infidelitas auctum damnationis conciliat. Ex quo & ipsa damnatorum vox hoc discriminem trahit, ut aliquando eos notet, qui obli-